

# სახალხო ფურცელი

სურათებიანი ჟურნალი

№ 76

დამატების № 14

კვირა, 31 აგვისტო 1914 წ.

## მოჯალაბე

ისტორიული მოთხრობა.

(იხ. სურათებიანი დამატება № 13.)

### VII

მეორე დღეს, მართალია და ორიც მუშათაგანი, სალხინოს მუშებისგან არჩეული, იდგნენ გრიგოლი და დიანის წინ, უხსნიდნენ მუშების მდგომარეობას და ევედრებოდნენ მოესხნა ის ახალშემოღებული ხარკი, რომელსაც სახლთუხუცესი აკანონებდა თავისი პირადი შეხედულებით... გრიგოლმა გადაშალა დედოფლისგან მიცემული წესდება, რომლის საზღვრებშიაც ევალეზოდა მას ოდიშის მართვა, გადაათვალიერა და გულახდილად გამოუცხადა მუშების წარმომადგენლებს, რომ მას არა ჰქონდა უფლება შეზღებოდა ასეთს კითხვებს და არც შეეძლო მათი, ასე თუ ისე, დაკმაყოფილება. — „ეს დედოფლის საქმეა, — უბძანა ბოლოს გრიგოლმა გლეხებს, — უმისოდ არავის შეუძლიან ახალი — რამ დააკანონოს და თუ სახლთუხუცესი გაეწვრობთ, შეგიძლიან თუცადოთ დედოფლის დაბრუნებასო“.

ასეთ ახსნამ გლეხებს თვალები აუხილა. ისინი დაჩქარებით გამობრუნდნენ სალხინოში და აუწყეს მუშებს საზნაურული განაჩენი.

ჩაჩოქოლდნენ, ახმაურდნენ მუშები, მაგრამ სანამ ისინი ერთს რომელსამე გადაჭრილ გადაწყვეტილებას დაადგებოდნენ, სახლთუხუცესიც გავარდა და დიანისაკენ. იმანაც შესჩივლა გრიგოლს. აუხსნა საქმის ვითარება და მოსთხოვა ძალა მუშების დასამორჩილებლად... მაგრამ გრიგოლმა, იმავე წესდების ძალით, სახლთუხუცესიცი მავე პასუხით გაისტუმრა, როგორც თაც ყმები დააკმაყოფილა.

რა გზას უნდა დასდგომოდნენ ახლა მუშები? რა ექნათ? ეს თავსამტკრევი კითხვა ყინულის ლოდით იდგა თითოეული მათგანის თავში... იყო ორი გზა — გზა ჯვარედინი, მარცხნით ეწერა: — „დამშვიდდი, დამორჩილდი ბედს; იყავი მონა, მონა საუკუნოდო“. მარჯვნივ: — „წადი, გაშორდი მტარვალს, მაგრამ რაც შემდეგ მოგივიდეს, შენს თავს დააბრალო“. ეს ამოცანა, საუკუნოებით მონობაში მყოფ ხალხისთვის, მძიმე ასახსნელი შეიქნა, რაც საიდუმლოდ არ დარჩა სახლთუხუცესისთვისაც. შეატყო თუ არა მუშებს ყოყმანი, განიზრახა ამით სარგებლობა, გამოუძახა სასახლეში მოსამსახურე ბიჭებს, თავის ძმის — ივანე ჩიქოვანის მეთაურობით და იხმარა ძალა გამდგარ მუშებზე... ვინ იცის, როგორ დატრიალდებოდა საქმე, რომ აქ დავითი არ გაჩენილიყო! ის, თითქო მიწიდან ამოვარაო, მუშის ტანისამოსში, ხელში სამუშაო იარაღით, დადგა მუშების წინ და მჭუხარე ხმით დასძახა:

— „ჰკა მაგათ! ჯოხი მაგათ, ძმებო, ჯოხიო!...“

— სწორედ ეს იყო საქრო. წამი ისეთი იდგა, რომ ერთი ვინმე მეთაურთაგანის წამოძახილს შეეძლო მუშები ისევე სახლთუხუცესიც მორჩილებაში ჩაეყენებინა, მაგრამ ერთსავე სხვანაირად წამოძახილს შეეძლო იმ საშიშ გზაზე დაეყენებინა მუშები, საითაც წასვლას ისინი ჩოთირობდნენ.

— „ჯოხი მაგათ, ჯოხიო“, — ხელმეორედ წამოძახა დავითმა და ხელმარჯვედ დასცა ერთს სასახლის ბიჭთაგანს ლახათიანად მოქნეული ჯოხი. ამან გადასწყვიტა საბედისწერო კითხვა; გახურდა გული ხალხისა:

— „ჯოხი მაგათ, ჯოხი!“ — დასძახეს ერთხმად მუშებმაც, პალახად დავითის წამოძახილისა და მიაშურეს სასახლის ბიჭებს... საქმე ცუდად დატრიალდებოდა, რომ მეთაურ ჩიქოვანს გაქცევით არ ეშველებინა თავისთვის. წავიდა ჯოხი ხმარებაში და მძიმედ ნაცემი სასახლის ბიჭებიც მიიმაღ-მოიმაღნენ.

— „კირიალეისანი, ძმებო, ახლა კირიალეისანი“, — იყო მესამე წამოძახილი იმავე მუშისა, რომელმაც პირველი განკარგულება მოახდინა და გაიშვირა ხელი სასახლის ჰისკრისკენ, რითაც ანიშნა, რომ დროა დავცალოთ ეს ჯოჯოხეთური ადგილიო.

„კირია-ლე-სანი!“<sup>1)</sup> — განხდა დგრიალი და მას ფეხიც ააყოლეს მუშებმა... ცოტა კიდევ და ისინი შორს იყვნენ სასახლიდან, წამოიშალნენ ველად და თავისუფლად ამოისუნთქეს... ეს იყო პირველი ნაბიჯი, მაგრამ ნაბიჯი არა მონური, არა უფლება შეზღუდული, გაპირუტყვებული ხალხისა, არამედ თავისუფალი ადამიანის, — რომელმაც დაჰგმო ის საზარელი წესი, რომელიც ერთს აბატონებდა — აჰყავდა ცამდის და მეორეს აპირუტყვებდა — ჩაჰყავდა ქვესკენლამდის... დიახ, ნაბიჯი პირველი! მაგრამ მეორე? რომელი გზით, რომელი მხრით უნდა გაედგა ამ ხალხს ნაბიჯი მეორე? ეს ისევე აუხსნელად რჩებოდა... მაგრამ თუ წყარომ სადმე თავა იჩინა და ის სათავეში არ გაშრა, არ შეიძლება მისგან გადმონასროლმა ნაკადულმა გზა არ გაიკვლიოს, არ შეუერთდეს ამა თუ იმ მდინარეს და ზღვაში თავი არ ჩარგოს. ეს კარგად იცოდა დავითმა და მისი წყურვილიც ის იყო, რომ წყარო სათავეშივე არ გამწრალიყო.

— მართალია! — დაიძახა მან აღელვებული ხმით, როცა შეატყო, რომ ეს-ეს არის, ხალხი დაადგება იმ გადაწყვეტილებას, რომ დაიფანტოს თავიანთ სახლებშიო, — შენ ხარ დღეს ჩვენი მამა, ჩვენი წინამძღვარი; შენ მოგვიტანე კაი ამბავი... გავვიძეხი წინ, წინ, მარ-

) კირიე-ელეისონ, რაც ბერძნულით, უფალო შეგვიწყალებს ნიშნავს, ოდიშში სახალხო სიმღერათ არის გადაკეთებული. მას მღერის ხალხი ყოველ სამხიარულო დროს; უფრო საღამოობით, როცა ათავენს, ან თავს ანებებს მუშაობას. მასვე დასძახებს აღდგომა დილასაც, ტალინის დროს.



წმ. იოანე გუთელი ეპისკოპოზი.

(იხ. დღ. „სახალხო ფურცელი“)



ოფის დახრილი:



კორნეტი თავ ნახაშიძე.

თალია, აგვიყვანე ე იმ მთაზე, მთაზე, მართალია... იქ დავძახოთ ყი-  
ქინა, დაუკრათ ბუკი, დაუძახოთ ჩვენს მოძმეებს, შემოვიერთოთ ისი-  
ნიც, იმათაც ვაუწყოთ, რომ დადგა დრო, დრო სანატრელი!..

— მართალია, მართალია! — გაისმა აქა-იქ ხალხში ზანტად ძა-  
ხილი.

— ერთხმად, ძმებო, ერთხმად, თორემ დავიღუპებით, — უფრო  
აღვლევებულის ხმით დაიქუხა დავითმა და სიმწრით გასისხლიანებუ-  
თვალეებით მიუბრუნდა ხალხს: — იცით, ძმებო, რა ვქენით ჩვენ დღეს?  
დღეს ისეთი საქმე ჩავიდინეთ, რომ თუ ეხლა უკან დავიხიეთ, თუ  
ეხლა დავიფანტეთ, თითო-თითოდ დავიკვირებს სახუცეცი და ისეთ  
დღეს დაგვაყენებს, რომ ჩვენ ცოლ-შვილს ჩვენივე კბილებით ვგლეჯ-  
დით. მთაზე, ძმებო, მთაზე; დაუძახოთ ჩვენს ძმებს და გამოვაცა-  
ლოთ სახუცეცს ძალა... შიში ნურავის გაქ, სანამ ჩვენ ერთად ვართ,  
ჩვენს სახლ-კარს ვერავინ შეეხება, თითოსაც ვერავინ დააწებს... ასე,  
ძმებო, ასე და თუ ასე არ ვქენით, იცოდეთ, რომ წითელი პარას-  
კევია დღეს ჩვენთვის, დღეს დაიღუპა ჩვენი თავი, ჩვენი ცოლ-შვი-  
ლი, ჩვენი სახლ-კარი... იქ-იქ, იმ მთაზე გავითენოთ აღდგომა!.. იქი-  
დან რომ დავძახებთ, შორს გავარდება ხმა და იმაშია ჩვენი ხსნაც...  
იქ უნდა შევეფიცოთ ერთმანეთს, რომ სანამ თბილი ვართ, არავის  
დაუნებდეთ... დაუძახეთ მართალიას; მართალია ჩვენი წინამძღვარი —  
მართალია.

— მართალია, მართალია! მთაზე-მთაზე... წინ, მართალია, წინ;  
გაკვიძები წინ! — იგრილა ერთხმად გონს მოსულ ხალხმა და მოუთ-  
მენლად უწყო მართალიას ძახილი.

მაგრამ გაფითრებული და გონება გაყინული მართალია ერთს  
და იმავე ადგილზე იდგა და, თითქო დამბლა დაეცაო, ხმას არ იღებ-  
და; შიშის გამო, ტუჩები ვაცივებოდა.

დავითმა კარგად იცოდა, რა ფასიც ჰქონდა ხან და ხან წამს!  
იცოდა, რომ თავის დროზე და ადგილზე წამით შეიძლებოდა დიდი  
რამეს გაკეთება, მაგრამ შეიძლებოდა დიდი რამეს გაფუჭებაც. ამი-  
ტომ ხალხს მართალიასთვის შიში რომ არ შეემჩნია, შურდულივით მი-  
ვარდა მას, სტაცა ხელი, გამოიყვანა და წინ დაუყენა ხალხს.

— აგერ არის მართალია! გავყვეთ, — დაიძახა დავითმა და ხე-  
ლის გაქნევით ანიშნა ხალხს დანძრეულიყო.

— კი-რია-ლე-სან! — იგრილა ხალხმა და გაჰყვა მართალია ის  
რომელიც მკლავში ხელჩაკიდებული მიჰყავდა დავითს.

— შენ დამღუპე მე, შენ ჩადექი ჩემი ცოლ-შვილის ცოდვაში,  
— წყენით უთხრა მართალიამ დავითს, როცა ცოტა ღონე მოიკრიბა.

— რა მოხდა, მართალია, რამ შეგაწუხა?

— როგორ თუ რა? შუა ცეცხლში ჩამაგდე და — რა მოხდაო,  
— მეუბნები?.. შენ არ შეგემხადებინა ე საქმე, ვიქნებოდი ჩემთვის  
მოსვენებულყო... გავიკვირე საქმე, მაგრამ რავე გავიკვირე! დავეჭიდე,  
მარა ვის დავეჭიდე!

— ტყვილად წუხარ, შენ ნუ მომიკვდები!.. იმისა წუხარ, რაც  
უნდა გიხაროდეს!..

— ახლა კიდევ და წინ წამიგდე... ის გინდა, რომ ხალხს შე-  
მევევლო თავზე!.. რა ჩემი საქმე იყო ეს? ამისთანა საქმე შენ უნდა  
მიგელო; სიტყვა იცი და პასუხი, ქვეყნის გამოცდილება შენ გაქ,  
თვალი გიჭრის და გული... მე რა? გობსა და ჯამს არ გავშორები-  
ვარ, იმისთანა კაცმა რა უნდა გავარიგო ამ ცეცხლსა და გენიაში?!  
ტყუილად თავს დავიღუპავ და მეტი არაფერი!

— რად ფიქრობ მაგრე, მართალია? როგორ თუ არაფერი გა-  
მოვა? ღმერთმა ნუ ქნას! — წყენით შენიშნა დავითმა, — ერთ დღეს  
ერთად დავიხროცოთ უკეთესია, მინამ აქედან არაფერი გამევიდეს!  
შენი! თანა ჰქვიანი კაცი მაინც როგორ არ უნდა ხედავდე, რომ

დღეიდან გამარჯობა ჩვენი... როცა ნიადავი მომზადებულია, თოვ-  
ლიან მთის წვერიდან ჩიტის კვერცხიც რომ დაგორდეს საკმაოა; მას  
ისე მოედება გზაზე თოვლი, ისე გაიზდება, ისე საზარელი ხატეა-  
ხუთქით გამოეჩანება, რომ ვაი მას, ვინც გზაზე გადებობება. კვერ-  
ცხი დაგორებულია ეხლა და დაგორებულია იქიდან, საიდანაც უნდა  
დაგორებულიყო, სწორედ მთის წვერიდან; მას ჰყვება ეხლა მთელი  
ოდიში, გამოეჩანება უშველებელი გრილით და ჩვენს ბატონებს  
თვალიც დაუდგება.. სხვა საქმე იქნებოდა, რომ ვინმე აზნაურის, ან  
თავადის საყმოში ატეხილიყო არეულობა! მაშინ საიმედოც არაფერი  
იქნებოდა მაგრამ ზავი მთის წვერიდან არის დაგორებული და რო-  
გორ გგონია? ამას რამე შეაჩერებს?.. ღმერთი ჩვენსენაა!.. ცოტა მარ-  
ჯვეთ დაუხვდეთ საქმეს და მალე ვნახავთ, რომ ბატონები სორობე-  
ში იმალებოდეს...

— ღმერთმა გისმინოს; შეიძლება ასედაც მოხდეს, მაგრამ ჩემი  
თავის იმედი მაინც არ მაქ... შენ დაუდექი ხალხს წინამძღვრად —  
შენ და მეგრე უფრო იმედი მექნება, — გულლიად უთხრა ცოტა იმედ-  
მოცემულმა მართალიამ.

— გამიგონე, მართალია! ხომ იცი, არაფრის არ მეშინიან; დი-  
დის სიხარულით მივიღებდი წინამძღვრობას, მაგრამ წინამძღვრობა  
ცოტა ხანშიშესულ კაცს შეშვენის და მეორედ, მე რომ აქ გაეჩერ-  
დე, ჩემს საქმეს ვინ გააკეთებს?..

— ამაზე დიდი საქმე რა უნდა იყვეს? ამას მიატოვებ და სხვა-  
გან მიდიხარ? — გააწყვეტინა მართალიამ დავითს სიტყვა.

— დიახ, სხვაგან უნდა წავიდე; უნდა წავიდე და მთელი ოდი-  
ში უნდა ავშალო... სადაც მივალ, ისე არ გამოვალ, სანამ ბატონს  
და ყმას ჰირივით არ გადავკიდებ ერთი-მეორეზე...

— მეგრე რად გინდა? ხო არ ვადიროე კაცო! რაც აშლილია  
ის არ ეყოფა, რომ კიდევ უმატებ სიავეს?! — სასოწარკვეთილებით შე-  
ეკითხა თავზარდაცემული მართალია.

— ვაი ჩემო დღეო! რა ვქნა, რომ შორს არ იხედები!.. მარ-  
თალია! ახლა თუ მთელი ოდიში ფეხზე არ დადგა, დედის ნაშობ-  
თავანი არავინ იქნება თქვენზე გაჭირებული!.. არ იცი, ჩიქვანი ისე  
არ მოსვენებს, სანამ დადიას ჯარს არ გამოართმევს თქვენი დასა-  
მორჩილებლად!.. მართალია, გრიგოლი იმას ჯარს არ მისცემს, მა-  
გრამ მართა გრიგოლი როდი არჩევს სასახლეში საქმეს! იქ საქმე  
ეკითხება მის ძმას კონსტანტინეს, ჰყონდიდელს და სხვას. ასე იქ-  
ნება თუ ისე, გრიგოლს დაიყოლიებენ და ჯარს მიაცემინებენ. მა-  
შინ რაც დღე თქვენ დაგადგებათ, იმაზე, უკეთესია, არ ვილაპარა-  
კოთ... მაგრამ ჯარი ვისგან შედგება? მას შეადგენს თავად-აზნაუ-  
რობა და სიმარჯვეც ეხლა გვინდა, რომ ისე ოუშალოთ თავად-აზ-  
ნაურებს ყმები, რომ ჯარის შედგენა და დედოფლის მიშველება კი  
არა, თავიანთი თავისა არა გევეგებოდეთ რა.

ოფის დახრილი:



კორნეტი თავ. ლეშა (ლუშა) თარხნიშვილი.

— ჰმ!.. გავიგე, გავიგე!.. მე ისევ ჩვენს საქმეზე ვფიქრობდი,  
თუ როგორ უნდა მეგვეწყო საქმე სახუცეცთან, როგორ უნდა მოვ-  
რიგებოდით!.. მარა შენი სჯობია — შენი... ახლა ნულარას მეტყვიოთ,  
ყველაფერი გავიგე — ყველაფერი; ვენაცვალე შენს სახეს! ეს ძანნი  
აზრია... მაგრამ მე მაინც რო არა მაქ ჩემი თავის იმედი! ეს მეტად  
დიდი საქმეა და თავი რო ვერ მივადევნო, მაშინ რა მიწა გავით-  
ხარო!



— კაი, რახან ასე გეშინიან მე ხვალ სალამოდის მოვიყვან თავაკაცს, მაგრამ მანამ კი შენ უნდა გაუძღვე საქმეს.

— ბატონი ბძანდები... მაგრამ მითხარი რა უნდა ვქნა!

— რა უნდა ქნა?! ამის სწავლება შენთვის საჭირო არაა, მაგრამ თუ ჩემი აზრით გინდა გაიგო, აი რას გირჩევ: პირველად შენ თითონ უნდა გამხნედე, რომ არაფერი შიში და რიდი კაცმა არ შეგატყოს. ხალხის გამხნეება და დაშინება პირველად შენზე ჰქილდია... ეხლა ძაანი წათამამებულია, გაუძეხი და ი მალალ გორაზე აიყვანე. სუსველა საყდრებიდან დაიბარე ბუქები და ააგრიალეთ, უწყვეტლივ აყვირეთ; დაცხეთ ყიყინა, შესძარით მთელი ეს მხარე; ახლო-მახლო სოფლებში დაგზავნე კაცები და გაეცი ბძანება, რომ ვისაც კი სიარული შეუძლიან ქალი და კაცი, დიდი და პატარა, ყველა აქ მოიყვანონ; თვალ-ყური უგდე, რომ ვინმე ავი სული არ შემეგებაროს, მღვდლებს შაუთვალე, რომ მოასვენონ ძლიერი ხატები და თითონაც არსად წავიდნენ ჩვენს მოსვლამდე... ახლა შევიდობით, მელოდე ხვალ სალამოს, — დაუშაბა დავითმა და გაშორდა მართალიას.

— ღმერთმა გზა შევიდობისა მოგცეს, — მიიძახა მართალიამაც და ბრწყინვალე სახით მიუბრუნდა ხალხს, აცნობა მიზეზი დავითის წასვლისა და გააგებინა ისიც, რომ იმ დღიდან შეუძლებელი იყო სახლთუხუცესთან გარიგება. — დღეიდან, ი რალაც ორი კაკალ სიმინდზე, რასაც არ გვითმობდა სახუცევი, ლაპარაკიც არ შაიძლება, — მტკიცედ უთხრა ხალხს მართალიამ, — წაიდა ი დრო, როცა ჩვენ სახუცესს უჩოქდებოდით და ღმერთივით შევთხოვდით არ წაელო ჩვენგან ი ორი კაკალი სიმინდი მაინც... ახლა „სი“-ც ჩვენია და „მინდიც“, ჩვენი თავიც და ჩვენი ცოლ-შვილიც. მთლად უარი უნდა უთხრათ ბატონებს! ნუ გვინდა უსამართლო დადია, უღმერთო ბატონი... ნუ გეშინიანთ, ჩვენ ბევრი ვართ და ისინი ცოტა; ჩვენ მევერევით მათ!...

— არაფრის არ გეშინიან — არა; არ გვინდა უსამართლო დადია, უღმერთო ბატონი... რისი (რუსი) მოვიდეს, თათარი მოვიდეს, ის იყოს ჩვენი დადია. ჩვენი ბატონი და ჩვენი დადია არ გვინდა — არა, არა, არა! — ერთხმად იგრიალა ხალხმა.

— როგორც ქუდს ვამხობ, ისე დაამხოს მიქელ-გაბრიელმა იმისი ოჯახი, ვინც ამ აზრს უღალატოს, ვინც ერთმანეთს არ ამოუდგეს! — წამოიძახა მართალიამ და თავდაღმა დაამხო ქუდი.

— ა-ა-ამენი... გასწყვიტოს, გასწყვიტოს ღმერთმა ცოლით და შვილით, თეთრით და საქონლით; მალალმა ღმერთმა გაწყვიტოს, — ხელმეორედ იგრიალა ხალხმა.

ამის შემდეგ, გამხიარულებული მართალია გაუძღვა მხიარულადვე მომღერალ ხალხს იმ მთისკენ, სადაც უნდა დაბანაკებულიყვნენ მეთაურის მოსვლამდის.

V II

სოფ. ჯვარში, ზუგდიდის დიდი გზის პირად ერთი სამჭედლო იდგა. ეს სამჭედლო, გარდა იმისა, რომ აკმაყოფილებდა ხალხს თავისი პირდაპირი დანიშნულებით, აკმაყოფილებდა მეორე ნაირადაც: ის იყო მთელი იმ კუთხის თავშესაქცევი ადგილი. იქ იყრიდა თავს ხალხი: გადიოდა ერთი, შემოდოდა ორ-სამი; გადიოდნენ-შემოდოდნენ... მგზავრის სულის მოსაბრუნებელი ადგილიც ხომ ის იყო! არ შეიძლებოდა მგზავრი იქ არ გაჩერებულიყო, არ შეესვენა, რამე ახალი ამბავი არ ეთქვა და ახალი — რამ თითონაც არ წაელო... ერთის სიტყვით, ეს შენობა უფო სასტუმროს ჰგავდა, ვიდრე სახელოსნოს... რა იზიდავდა იქ ხალხს? სტუმრის მოყვარება და ენაწყლიანობა სამჭედლოს პატრონისა. — უტუ მიქეა 1), რომელსაც ეკუთვნოდა ეს

სახელოსნო, ერთობ სტუმრის მოყვარული იყო. ის იმდენ დროს არ ხარჯავდა თავის ხელობისთვის, რამდენსაც კარგავდა სტუმრების შეტყევაში, ჰქონდა გამოუღვეველი მასალა საამბო, საოხუნჯო და შესაქცევი, რითაც იქცევდა, აცინებდა და აღხენდა სტუმრებს და მით ლხენა-სიამეს გრძობდა თითონაც... ის ბევრს ცნობას და ცოდნასაც აძლევდა ხალხს, მაგრამ უფრო მეტს კრებდა და იძენდა თითონაც... ამ სახით, ნიჭიერი, გონიერი, დაკვირვებული და ცნობის-მოყვარე უტუსთვის მალალი სასწავლებელი შეიქნა მისი სამჭედლო, სადაც ის გაიხეხა, გაიღესა და დიდძალი ცოდნა-გამოცდილება შეიძინა... გარდა იმისა, რომ უტუ მოსწონდათ ენაწყლიანობით, ის გარეგნული შეხედულებით და საქციელითაც ხიბლავდა ხალხს: საშუალო და შეთანხმებული აგებულობის, 35—37 წლის, ლამაზი და გახსნილი პირისახის, მუდამ კობტად ჩაცმული, მოძრავი და ცქვიტი ტანის უტუს, ხასიათი და საქციელიც ისეთი ჰქონდა, რომ არ შეიძლებოდა მნახველის გულში საპატიო ადგილი არ მოეპოებინა. ამ სახით, ყოველნაირად განსხვავებულ ადამიანს, განსხვავებული ყურადღებას აქცევდა ხალხიც: უყვარდა, ენდობოდა, აფასებდა და ყოველს ჭირსა და ლხინში მასთან მიბრბოდა რჩევისთვის... ამის გამო უტუს სახელი შორს გაისმოდა: მთელს ოდიშში ის ცნობილი იყო, როგორც უპირველესი და უწარჩინებულესი ყმათავანი. 1)



საფრანგეთის ჯარები: აფრიკის მსროლელები — „ზუაშები“.

შუალამე იქნებოდა, როცა უტუს ეზოში მოისმა გაცხარებული ყეფა ძაღლებისა. ისინი შურდულივით გაგარდნენ იქით, საითაც მოესმათ ჭრიალი ჩელტის ჭისკრისა, მაგრამ მალე შესწყვიტეს აურ-ზაური. მათ იცნეს სტუმარი და, თითქო სალამი მისცესო, ღრენა-წკმუტუნით შეეგებნენ მას. ამ დროს უტუ გარედ იდგა. ის პირველსავე ყეფას აპყლოდა, მოგედო ახალხი და გამოსულიყო გარედ, რომ მიშველებოდა თავის უებრო მეგობრებს. — „უთუოდ შინაურია“, — სთქვა უტუმ, როცა ძაღლებმა ყეფა შესწყვიტეს და გასწია სტუმრის შესაგებებლად.

— გამარჯობა უტუ! — მისცა სალამი სტუმარმა მასპინძელს, როცა ისინი დაუახლოვდნენ ერთი-მეორეს.

— დავითი! — გაოცებით წამოიძახა უტუმ. — ღმერთმა გამარჯობა ნუ მოგაკლოს, მარა ე რა ამბავია ამ შუალამისას? რალაც კაის მახარობელი უნდა იყვე, რო ასე უღროოდ გარჯილხარ!

— უღროოდ მოსულს ავის მოტანაც შეუძლიან მაგრამ შენ მაინც მიმიხვდი... სიზმარი ხო არაფერი გინახავს, უტუ, სიზმარი? — არხენად უთხრა დავითმა.

— სიზმარი! ჰმ!.. მართლაც რომ ენახე სიზმარი, მაგრამ მტერსაც აშოროს ღმერთმა, რაც მე გადამხდა!

— ჰო, მართლაც სიზმარს მოყევი?

— მართლა-მართლა! თითქო სიზმარიც ცხადის შემოჩენილიაო, ისიც არ ინდობს ჩვენს კაცს!

— თქვი მაინც, რა იყო!

— აი, შევიდეთ სახლში, ცეცხლი დავანთოთ და გეტყვი...

(შემდეგი იქნება).

კირილე წუთისოფლელი.

1) უტუს მჭერმეტყველობამ, მოსწრებული სიტყვა-პასუხმა, გონიერი მსჯელობამ და სითამამემ განცვიფრებაში მოიყვანა თვით რუსის გენერალი — კოლოუბიაკინიც.

1) სახელი და გვარი ნამდვილია.



# დასავლეთის ასპარეზი ომისა (საფრანგეთი)

